

"BAKHIL; JALAN MENUJU KE NERAKA"

ٱلْحَمَّدُ لِلَّهِ الْقَائِل: وَٱلَّذِينَ تَبَوَّءُو ٱلدَّارَ وَٱلْإِيمَىٰ مِن قَبْلِهِمْ تَجُبُّونَ مِنْ هَاجَرَ إِلَيْهِمْ وَلَا يَجِدُونَ فِي صُدُورِهِمْ قَبْلِهِمْ تَجُبُّونَ مَنْ هَاجَرَ إِلَيْهِمْ وَلَا يَجَدُونَ فِي صُدُورِهِمْ حَاجَةً مِّمَّا أُوتُواْ وَيُؤْتِرُونَ عَلَىٰ أَنفُسِمْ وَلَوْ كَانَ بِمَ خَاجَةً مِّمَّا أُوتُواْ وَيُؤْتِرُونَ عَلَىٰ أَنفُسِمْ وَلَوْ كَانَ بِمَ خَطَاصَةٌ وَمَن يُوقَ شُحَ نَفْسِهِ فَأَوْلَتِلِكَ هُمُ الْمُفْلِحُونَ فَي

أَشْهَدُ أَنْ لاَ إِلَهَ إِلاَ اللَّهُ وَحْدَهُ, لاَ شَرِيكَ لَهُ وَأَشْهَدُ أَنْ لاَ إِلَهَ إِلاَ اللَّهُ وَحَدَهُ, وَرَسُوْلُهُ. اللَّهُمَّ صَلِّ وَاللَّهُ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ وَاللَّهُ عَلَىٰ سَيِّدِنَا مُحَمَّدٍ وَعَلَىٰ آلِهِ وَأَصْحَابِهِ وَاللَّهُ عَلَىٰ اللهِ عَلَىٰ اللهِ وَاللَّهُ عَلَىٰ اللهِ وَأَصْحَابِهِ وَأَحْمَعِيْنَ. أَمَّا بَعْدُ، فَيَآ أَيُّهَا الْمُسْلِمُونَ! إِتَّقُواْ اللَّهُ الله فَقَدْ فَازَ الْمُتَّقُونَ. قَالَ أُوصِيكُمْ وَإِيَّايَ بِتَقُوى الله فَقَدْ فَازَ الْمُتَّقُونَ. قَالَ الله تَعَالَىٰ: يَنَأَيُّهَ اللهِ مَنْ الله فَقَدْ فَازَ الله حَقَ تُقَاتِهِ الله قَلَا مَنُواْ اتَقُواْ الله حَقَ تُقَاتِهِ وَالله مَمُونَ الله عَمُونَ إِلاَ وَأَنتُم مُسْلِمُونَ.



Sidang Jumaat yang dirahmati Allah,

Saya berpesan buat diri saya dan tuan-tuan sekalian, marilah kita tingkatkan keimanan dan ketakwaan kepada Allah SWT dengan penuh keyakinan, iaitu dengan melaksanakan segala perintah-Nya dan berusaha bersungguh-sungguh untuk meninggalkan segala larangan-Nya. Mudah-mudahan, setiap usaha yang kita lakukan di dunia yang sementara ini akan dinilai disisi Allah SWT sebagai ganjaran pahala di akhirat kelak, seterusnya terselamat daripada azab api neraka Allah SWT.

Khutbah pada hari ini akan menyedarkan kita bahawa "BAKHIL; JALAN MENUJU KE NERAKA".

Sidang Jumaat yang dirahmati Allah,

Islam menggalakkan umatnya supaya mengikuti dan mencontohi perilaku Nabi Muhammad SAW untuk menjadi orang yang sangat pemurah. Ibnu Abbas RA meriwayatkan bahawa Nabi Muhammad SAW adalah seorang yang paling pemurah lebih-lebih lagi pada bulan Ramadhan.

Oleh yang demikian, khutbah hari ini menyeru dan mengajak kita untuk sama-sama mengikis serta menjauhi sifat bakhil yang ada dalam diri kita sendiri.

Sesungguhnya sifat bakhil merupakan salah satu sifat mazmumah (sifat yang keji dan tercela) yang ada pada setiap manusia, tidak kiralah pangkat atau keturunan. Sebagai contoh orang kaya menjadi bakhil kerana takut hartanya berkurangan dan ahli perniagaan menjadi bakhil kerana bimbang perniagaannya merosot. Apakah faktor-faktor yang menjadi penyebab kebakhilan ini?



Antara faktor-faktor yang menjerumuskan kita kepada pengaruh sifat bakhil agar kita terhindar dari sifat yang tercela ini adalah:

Pertama: Cinta dunia dan bencikan mati.

Kedua-dua penyakit yang dijelaskan oleh Rasulullah SAW ini tidak dapat dipisahkan. Ini terbukti dengan sebuah hadis Nabi SAW berkaitan "al-Wahn". Rasulullah SAW menerangkan penyakit al-Wahn ini adalah terlalu cintakan dunia dan bencikan mati. Cintakan dunia bermakna tamak, rakus, bakhil dan tidak menginfakkan hartanya pada jalan Allah. Manakala takut mati pula bermaksud leka dan asyik dengan penghidupan dunia dan tidak membuat persiapan untuk alam akhirat.

Kedua: Tidak meyakini apa yang ada disisi Allah SWT.

Seseorang yang merasa ragu akan balasan pahala dari sisi Allah SWT, maka akan timbul pada dirinya kesukaran dan keengganan untuk menginfakkan hartanya.

Sidang Jumaat yang dirahmati Allah,

Setelah mengetahui faktor-faktor yang menyebabkan seseorang itu bersifat bakhil, sewajarnya kita mengetahui pula kesan dan akibat yang akan menimpa pelakunya di dunia mahupun di akhirat. Antara kesannya adalah:

Pertama: Menyebabkan pelakunya terjerumus ke dalam pelbagai perbuatan dosa.

Seseorang yang berpenyakit bakhil akan menjauhkan dirinya dari perbuatan baik. Sama ada perbuatan baik itu tentang hubungannya dengan Allah atau hubungan sesama manusia. Sebaliknya ia akan selalu mendekati perbuatan jahat sehingga menyibukkan dirinya dengan perbuatan jahat itu.



Nabi Muhammad SAW telah mengingatkan kita bahawa kebakhilan akan membawa kepada berbagai perbuatan dosa dan kehinaan.

Hadis daripada Abdullah Bin Amru RA bahawa Rasulullah SAW bersabda yang bermaksud:

"Hendaklah kamu menjauhi sifat bakhil, maka sesungguhnya telah celaka binasalah orang-orang yang sebelum kamu lantaran kebakhilannya mengajak kepada mereka dengan kebakhilan kemudian mereka bakhil dan mengajak kepada mereka untuk memutuskan silaturrahim kemudian mereka putus dan mengajak kepada mereka dengan perbuatan dosa kemudia ia lakukannya".

(Riwayat Abu Daud).

Kedua: orang bakhil menjadi lalai hingga terus leka dalam mengumpulkan harta kekayaannya.

Allah mengingatkan kita dalam surah at-Takasur ayat 1-2 yang bermaksud:

"Kamu telah dilalaikan (daripada mengerjakan amal bakti) oleh perbuatan berlumba-pelumba untuk mendapatkan sebanyak-banyaknya (harta benda, anak pinak, pangkat dan pengaruh), hingga kamu masuk ke liang kubur".

Ketiga: Orang bakhil dibenci oleh kebanyakan manusia.

Hadis daripada Abu Hurairah RA bahawa Rasulullah SAW bersabda yang bermaksud:

" Orang yang pemurah itu dekat dengan Allah, dekat dengan manusia dan jauh daripada api neraka. Orang yang kedekut itu jauh daripada Allah,



jauh daripada manusia dan dekat dengan neraka. Sesunggunya orang yang bodoh tetapi pemurah itu lebih disayangi Allah daripada seorang abid yang bakhil".

(Riwayat at-Tirmizi).

Keempat: Akan mendapat azab yang pedih di akhirat.

Kebakhilan seseorang tidak hanya menerima azab di dunia, bahkan musibah tersebut akan terus menyiksa pelakunya hingga ke negeri akhirat dengan azab yang lebih pedih di neraka.

Firman Allah SWT dalam surah ali-Imran ayat 178:

Dan jangan sekali-kali orang-orang yang bakhil dengan harta benda yang telah dikurniakan Allah kepada mereka dari kemurahan-Nya - menyangka bahawa keadaan bakhilnya itu baik bagi mereka. Bahkan ia adalah buruk bagi mereka. Mereka akan dikalungkan (diseksa) dengan apa yang mereka bakhilkan itu pada hari kiamat kelak...".

Sidang Jumaat yang dirahmati Allah,

Demikianlah beberapa kesan dan akibat yang akan menimpa orangorang yang bakhil di dunia dan di akhirat. Maka dengan mengetahui faktor



tersebut maka sewajarnya kita berusaha menjauhinya dengan mengambil tindakan seperti berikut:

Pertama: Kita hendaklah menanamkan keyakinan dalam hati kita bahawa segala-galanyanya adalah milik Allah.

Kedua: Kita hendaklah bersyukur atas nikmat yang telah Allah SWT kurniakan.

Ketiga: Kita hendaklah meyakini apa yang diinfakkan pasti akan diganti oleh Allah SWT dengan yang lebih baik dan berlipat kali ganda.

Keempat: Kita hendaklah berwaspada dengan bisikan-bisikan syaitan yang menakutkan manusia dengan kefakiran apabila membelanjakan hasil keuntungan ke jalan Allah SWT.

Kelima: Kita hendaklah sentiasa berdoa dengan doa yang diajarkan oleh Rasulullah SAW seperti berikut:

اللَّهُمَّ إِنِّي أَعُوذُ بِكَ مِنْ الْهَمِّ وَالْحَزَنِ، وَأَعُوذُ بِكَ مِنْ الْهَمِّ وَالْحَزَنِ، وَأَعُوذُ بِكَ مِنْ الْعَجْزِ وَالْكَسَلِ، وَأَعُوذُ بِكَ مِنْ الْجُبْنِ وَالْبُحْلِ، وَأَعُوذُ بِكَ مِنْ غَلَبَةِ الدَّيْنِ، وَقَهْرِ الرِّجَالِ



أَعُوذُ بِٱللهِ مِنَ ٱلشَّيْطَنِ ٱلرَّجِيمِ لَيُنفِقَ ذُو سَعَةٍ مِن سَعَتِهِ وَمَن قُدِرَ عَلَيْهِ رِزَقُهُ و لِيُنفِقَ مِمَّا ءَاتَنهُ ٱللهُ لَا يُكَلِّفُ ٱللهُ نَفْسًا إِلَّا مَا ءَاتَنهَا فَلَيْنفِقَ مِمَّا اللهُ بَعْدَ عُسْرِيُسْرًا ﴿

"Hendaklah orang yang mampu memberi nafkah menurut kemampuannya; dan sesiapa yang di sempitkan rezekinya, maka hendaklah ia memberi nafkah daripada apa yang diberikan Allah kepadanya (sekadar yang mampu); Allah tidak memberati seseorang melainkan (sekadar kemampuan) yang diberikan Allah kepadanya. (orang-orang yang dalam kesempitan hendaklah ingat bahawa) Allah akan memberikan kesenangan sesudah berlakunya kesusahan".

(at-Talak-7).



بَارَكَ الله لِي وَلَكُمْ بِالْقُرْآنِ الْعَظِيْمِ، وَالْقُرْآنِ الْعَظِيْمِ، وَالْقَرْآنِ الْعَظِيْمِ، وَالْقَرْقِ وَإِيَّاكُمْ بِمَا فِيْهِ مِنَ الْآيَاتِ وَالذِّكْرِ الْحَكِيْمِ وَتَقَبَّلَ مِنِّيْ وَمِنْكُمْ تِلَاوَتَهُ, إِنَّهُ هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيْمَ لِيْ وَالْمُسْلِمَاتِ، وَلَكُمْ وَالْمُسْلِمَاتِ، وَالْمُسْلِمَاتِ، فَاسْتَغْفِرُوهُ إِنَّهُ, هُوَ الْغَفُورُ الرَّحِيمُ.



KHUTBAH KEDUA

Sidang Jumaat yang dirahmati Allah SWT,

Mimbar Jumaat sekali lagi berpesan bahawa Islam mengajar umatnya supaya bersikap sederhana dalam segala amalan dan tindakan. Pada masa yang sama umat Islam disaran supaya menjauhi sebarang bentuk perbuatan ekstremis yang kesannya akan menjejaskan keharmonian, perpaduan, keselamatan ummah dan Negara. Tindakan ekstremis juga boleh memberikan tanggapan negatif terhadap kesucian dan kemuliaan agama islam. Sebaliknya seluruh umat islam amatlah dituntut agar menampilkan kemuliaan akhlak, sikap dan keperibadian tinggi sebagai muslim sejati agar



umum mengetahui bahawa Rasulullah SAW diutus dan Islam yang diperjuangkan adalah rahmat bagi seluruh umat dan sekalian alam.



Ya Allah, Engkaulah Tuhan yang Maha berkuasa, kami bersyukur kehadrat-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebajikan.

Justeru kami pohon kehadrat-Mu ya Allah, tetapkanlah iman kami, terimalah amalan kami, kukuhkanlah perpaduan kami, murahkanlah rezeki



kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada bala bencana dan ujian-Mu yang berat supaya dengan demikian, negeri kami akan sentiasa bertambah makmur dan berkat.

Ya Allah, kami pohon kehadratmu, mantapkanlah pegangan kami menurut ajaran Ahli Sunnah Waljamaah dan peliharalah kami daripada amalan dan akidah yang menyeleweng dan sesat seperti fahaman syiah yang melampau dan Qadyani serta lain-lain fahaman.

Ya Allah, bukakanlah hati kami untuk mendirikan solat fardhu lima waktu, menunaikan zakat dan kefarduan yang lain. Berkatilah hidup orangorang yang melaksanakan zakat dan menyayangi fakir miskin serta mereka yang menginfakkan harta untuk Tabung Amanah Pembangunan Islam Selangor dengan ganjaran pahala yang berkekalan hingga ke hari akhirat.

Demikian juga ya Allah, tambah dan luaskanlah rezeki orang yang mewakafkan hartanya, terimalah wakaf mereka dengan ganjaran pahala yang berkekalan hingga ke hari akhirat.

رَبُّنَا هَبُ لَنَا مِنُ أَزُواجِنَا وَذُرِّيَّاتِنَا قُرُّةَ أَعْيُنِ وَالْجُعَلْنَا لِلْمُتَّقِينَ إِمَامًا. رَبُّنَآ ءَاتِنَا فِي اللَّنْيَا حَسَنَةً وَقِنَا عَذَابَ النَّارِ. عِبَادَ حَسَنَةً وَقِنَا عَذَابَ النَّارِ. عِبَادَ اللهِ، إِنَّ اللهَ يَأْمُرُ بِالْعَدلِ وَالْإِحْسَنِ وَإِيتَآيِ ذِي



ٱلْقُرْبَىٰ وَيَنْهَىٰ عَنِ ٱلْفَحْشَآءِ وَٱلْمُنكِرِ وَٱلْبَغِي َ يَعِظُكُمْ لَعَلَّكُمْ تَذَكَّرُونَ ۚ فَاذْكُرُواْ الله الْعَظِيْمَ يَذْكُرْكُمْ وَاشْكُرُوهُ عَلَىٰ فَاذْكُرُواْ الله الْعَظِيْمَ يَذْكُرْكُمْ وَاشْكُرُوهُ عَلَىٰ نَعَمِهِ عَيْرَدُكُمْ، وَاسْأَلُوهُ مِنْ فَصْلِهِ عَيْدِكُمْ وَاسْكُمُ فَصْلِهِ عَيْدَكُمْ وَاسْكُمُ وَالله يَعْلِكُمْ وَالله يَعْلِكُمْ وَالله يَعْلِكُمْ وَالله يَعْلَمُ مَا تَصْنَعُه نَ.

JAIS/Nurul 11.03.2015